

# **Miroslav Lajčák će naslijediti Schwarz-Schillinga na funkciji visokog predstavnika**



Upravni odbor Vijeća za provedbu mira donio je odluku da imenuje ambasadora Miroslava Lajčáka kao narednog visokog predstavnika za Bosnu i Hercegovinu. Ured visokog predstavnika (OHR) će obavijestiti Vijeće sigurnosti Ujedinjenih nacija i Vijeće Evropske unije o ovom imenovanju.

\* \* \* \*

Ambasador Lajčák će naslijediti sadašnjeg visokog predstavnika Christiana Schwarz-Schillinga čiji mandat ističe 30. juna ove godine.

Ambasador Miroslav Lajčák trenutno radi kao generalni direktor za politička pitanja u Ministarstvu vanjskih poslova Slovačke. Ambasador Lajčák ima 44 godine i profesionalni je diplomata sa bogatim iskustvom u Jugoistočnoj Evropi. Jedna od najistaknutijih funkcija koju je obavljao je medijator i lični izaslanik visokog predstavnika EU za zajedničku vanjsku i sigurnosnu politiku Javiera Solane, prošle godine u Crnoj Gori. U tom svojstvu je nadgledao provođenje referendumu u Crnoj Gori.

Fotografije ambasadora Lajčáka dostupne su na internet stranici OHR-a na slijedećoj adresi:

<https://www.ohr.int/ohr-info/photos/images/lajcak1.jpg> i  
<https://www.ohr.int/ohr-info/photos/images/lajcak2.jpg>.

Televizijski snimak ambasadora Lajčáka, kvalitetom slike pogodnom za emitovanje, također je dostupan na web stranici OHR-a: :<https://www.ohr.int/audio-video/video/lajcak.mpg>

## Biografija ambasadora Lajčáka

Budući visoki predstavnik Miroslav Lajčák je profesionalni diplomata i trenutno radi kao generalni direktor za politička pitanja u Ministarstvu vanjskih poslova Slovačke. Ambasador Lajčák ima bogato iskustvo u jugoistočnoj Evropi. Jedna od najistaknutijih funkcija koju je obavljao je medijator i lični izaslanik visokog predstavnika EU za zajedničku vanjsku i sigurnosnu politiku Javiera Solane, prošle godine u Crnoj Gori. U tom svojstvu je nadgledao provođenje referendumu u Crnoj Gori.

Od 2001. do 2005. godine, ambasador Lajčák služio je u Beogradu kao ambasador Slovačke u Saveznoj Republici Jugoslaviji (kasnije Srbija i Crna Gora), u Abaniji i Bivšoj Jugoslovenskoj Republici Makedoniji.

Od 1998. do 2001. godine radio je kao šef kabineta ministra vanjskih poslova Slovačke Eduarda Kukana. Od 1999. do 2001. godine istovremeno je radio kao specijalni pomoćnik ministra Kukana u njegovom svojstvu specijalnog izaslanika generalnog sekretara UN-a za Balkan.

Miroslav Lajčák je bio slovački ambasador u Japanu od 1994. do 1998. godine. U periodu od 1993. do 1994. godine, bio je šef kabineta ministra vanjskih poslova i kasnijeg premijera Slovačke Jozefa Moravčíka.

Od 1991. do 1993. godine ambasador Lajčák je služio u Moskvi, gdje je najprije radio u ambasadi Čehoslovačke a nakon mirnog

raspada Čehoslovačke, od 1. januara 1993. godine, u ambasadi Slovačke,

Ambasador Lajčák počeo je raditi u Ministarstvu vanjskih poslova Čehoslovačke od 1988. godine.

Miroslav Lajčák je diplomirao pravo na Univerzitetu Comenius u Bratislavi. Studirao je međunarodne odnose na Državnom institutu za međunarodne odnose u Moskvi, a također je završio postdiplomske studije u Evropskom centru za sigurnosne studije "George C. Marshall", u Garmisch-Partenkirchenu u Njemačkoj.

Miroslav Lajčák govori bosanski, hrvatski i srpski jezik, bugarski, engleski, njemački i ruski jezik.

Ambasador Lajčák je oženjen i ima dvije kćerke. Rođen je 20. marta 1963. godine u Popradu, u Slovačkoj.